

成功嶺組曲有序 ◎ 陳慶煌

瀛苑副刊

今年度因休假在家進修，較多時間董理積稿。近日偶於故紙堆中發現三十年前上成功嶺集訓時塗鴉之作，為存其真，僅稍加修飾，特藉瀛苑一角披露。願我校師生，無論上或未上過斯嶺者，幸能重溫或體會箇中況味云。

一、報到

榜花初放樂優游，新銳相逢意氣投。

聖地登臨緣暑訓，剃刀落處盡光頭。

二、起床號

五更吹響徹雲霄，調急音淒破寂寥。

十萬健兒同起早，成功嶺上隊旗飄。

三、出操

單兵戰技日求精，野外講堂課不輕。

立正看齊加稍息，軍歌答數向前行。

四、熄燈號

汗若雨淋經一日，熄燈號落靜無譁。

今宵難得須珍重，盼入黑甜好夢她。

五、站衛兵

好夢驚催站衛兵，荷槍實彈中宵立。

幾番豪雨入寒秋，崗哨夜深風似泣。

六、夜夢家犬——虎力來別

封姨肆虐鱗鴻阻，如織鄉愁鬱不開。

虎力已遭饕餮手，千里精魂入夢來。

七、行軍

武裝全副趁朝曛，向午無風滯白雪。

幸賴年輕腰腳健，銜枚百里急行軍。

八、震撼教育

祇見滿天張鐵網，地雷噴落一身泥。

機槍掃射無間隙，匍匐前趨路莫迷。

九、賦歸

九條好漢如兄弟，有樂同甘苦共嘗。

最是八週彈指過，各歸庠序日方長。

2010/09/27